



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1863

CXXXI. Kurfürst Joachim und Markgraf Albrecht belehnen die von
Wenkstern, am 23. Juli 1502.

Nutzungsbedingungen

[urn:nbn:de:hbz:466:1-56044](https://nbn-resolving.org/urn:nbn:de:hbz:466:1-56044)

CXXXI. Kurfürst Joachim und Markgraf Albrecht belehnen die von Wenckstern,
am 23. Juli 1502.

Von gotts gnaden etc. Bekennen etc., Das wir vnsern lieben getrewen hanfen, Clausen, Cunen vnd Achim, gebruderen vnd vettern, die wencksternen genant, vnd Iren menlichen leibs lehens erben zu rechtem manlehen vnd gesampter hant gnediglich gelyhen haben, Nemlich das dorff garcz mit aller gerechtigkeit, den sehe vnd acht hufen, der igliche gybt vierzeihen schilling, Item Barcze mit aller gerechtigkeit an werdern, wassern vnd holczungen vnd newn hufen mit pacht vnd dinft, gybt dreyzeihen schilling zu pacht vnd den dinft, Item die nyderwisch mit aller gerechtigkeit, vierzeihen hufenn mit zehenden vnnd den dinft, vff dem kitze acht hufen mit dem zehende vnd sunft mit aller gerechtigkeit vnd zins, Item zw Rosenfzdorff das hochste vnd sydeste gerichte, sechs winspell habern, one sechs scheffel vnd vber einen hoff den zehent, Item dridischen wisch mit aller gerechtigkeit, zehn winspel habern den dinft vnd czwenzig hunre daselbs, Item wendischen wuffow mit aller gerechtigkeit vnd darczu acht halben winspel habern, den dinft vnd ein wintmollen, die gybt Jerlichen czwey winspell roggen vnd vber czwölf hufen zw motleke den zehet vnd dinft, vnd solch vorgeannt dorffer vnd gutter mit allen wische-rien, wassern vnd weyden vber dem Rynow, wie von alters darczu gehört hatt, Item Bochin mit aller gerechtigkeit sunder vier hufen, die wuste findt, Item zw Milow acht scheffel vnd zwey winpell roggen zw wuftenfelde, Item zw Sarckeleue das gancze gericht Im dorff, einen winpell habern, ein winpell roggen vnd czwey zeget lemmer, Item das Schulden gericht mit allem, Item das vierdenteill an wuftenfelde zu Gofsdal, Item zu Bobrow achtzeihen scheffel roggen vnd das vyrdenteill am Sehe, Item Newstorff mit aller gerechtigkeit, newen winspell roggen, den dinft vnd ein halben winspel roggen, Item ein winspell roggen von einer wuften feltmarck, Toker genant, Item einen Mann zu lantze, der gibt zwey marck jürlichen zu pacht, Item ein holcz Im gericht zw wietceke belegen In der Eluen, Item die Elbe, von dem mefzkowischen graben bis vff die alte lobitz, Item das druttenteil an der vehre zw Gherleuen, Item ein hoff, do hennigke Stegemann vff wanett Im gerichte zw mottlick mit newen stucken landes, Obersten vnd nidersten gericht vnd aller gerechtigkeit, Item ein hoff Im dorff Regecz, darauf Mathias nymke wanet, mit vier hufen, obersten vnd nydersten gericht vnd aller gerechtigkeit, Item ein hoff vnd behawfung In vnser Stat Lenczen mit sambt aller freyheit vnd gerechtigkeit darzu gehorende, wie Ir Eltern solchs alles von vnsern vorderehen der Marggraueschafft zw Brandenburg In lehen vnd gebrauch, herbracht vnd besessen haben vnd leyhen Inen solchs alles, wie vorstett, zu manlehen vnd gesampter handt, In craft vnd macht dicz briefs, die hinfur zu haben vnd zu gebrauchen, so oft nott thut, zu entpfahen, vns auch daruon zu thun vnd zu dienen, als manlehens vnd gesambter hant recht vnd gewonheit ist, Doch eynem iglichen an seinem rechten one schaden. Czu vrkunt etc. Actum Colen, Sonnabends nach marie magdalene, Anno etc. secundo.

Nach dem Churim. Lehnscopialbuche XXXIII, fol. 31.